

卷五

書名 皇明文衡一百卷 正德五年序刊本
撰者 明 程敏政 輯, 明 范震、李文會 校
卷 卷五
內容分類 集 總集 各代 明
索書號 大木 集部 總集類 30
編號 D7861500

[彩色首頁1](#)

[東洋文化研究所漢籍目錄 編號: D7861500](#)

[東洋文化研究所漢籍目錄所藏漢籍善本全文影像資料庫 索書號: 大木 集部 總集類](#)

[30](#)

[漢籍善本全文影像資料庫文本 皇明文衡一百卷 正德五年序刊本](#)

[版權所有: 東京大學 東洋文化研究所](#)

[使用上的注意事項](#)

皇明文衡卷之一




翰林院學士新安程敏政選
鄉進士國子監助教永康范震校正
賜進士應天府儒學教授郊郢李文會重校

論中原檄

宋濂

如大德廢長立幼泰定以臣弑君天曆以弟醜兄至於弟技
冠復
四海
國自
王臨御天下中國居內以制夷狄夷狄居外以奉中
以夷狄治天下也自宋祚傾移元以北狄入主中國
外固不臣服此豈人力實乃天授然達人志士尚有
直之嘆自是以後元之臣子不遵祖訓廢壞綱常有









皇明文衡卷之五

表牋

乙巳年賀千秋節表

朱模

五百年有王者興適當今日千萬歲願聖人壽茂對昌辰天地協祥臣民交慶中賀繼天立極歛福錫民應禱而生彌誕神光之室乘時而起肇基王氣之都是皆天眷之所隆夫豈人謀之可致故十載克成乎大業而四方益闡於丕圖江漢旣已朝宗閩廣固宜職貢餘浙正須乘麾而順邊淮豈待仗鉞而從蓋將北定乎中原抑宜入承乎正統一人有慶萬福攸同某等遠牧虎藩遙瞻象魏莫克對紫宸而拜益潔拘舟恂之誠航海梯山重譯悉圖於玉會普天率土三呼咸比於華封

代翰林院勸進表

蘇伯衡

伏以續百王之正統莫大乎宅尊得萬國之驩心宜先於建
極蓋惟體元而居正斯足應天而順人是以高帝開基甫四
載而卽位于汜水世祖興復僅一年而踐祚于鄴南雖遠畧
之不違而丕稱之是講義有攸當道在隨時中謝欽惟
躬膺曆數之歸德合乾坤之大玄符顯握江左首平黃鉞再
麾潯陽遶定僭偽兼收於漢孽提封奄奠於樊襄來享來庭
南交廣西隴蜀干壇于理左濠泗右河淮舍齒食毛者咸懷
侯戴阻兵恃險者悉就誅擒推聖人兼愛之心委上將專征
之任義旗所指羣帥之內附肩摩仁聞所孚連城之歛降踵
至蓋師出以律而民遂其生斯不戰而屈人故大悅而歸已
今則士誠梟首於

關下會稽通籍於域中弓矢永橐輿圖載闢此皆二儀協贊
以申保佑之休百神効靈以開混一之運豐功盛烈之著揆
諸二帝則已多大寶鴻名之膺質諸兩漢則已晚是雖聖明
謙讓之節夫豈幽顯仰望之情臣念眷命不可久違謳歌難
以固拒輒陳愚懇冒瀆
宸嚴伏望仰體天心俯從人欲特頒明詔俾擇良辰講其禮
而正其名以其德而居其位則郊廟社稷萬靈永有所主華
夏蠻貊億載得以承事

國子學賀登極表

寶曆在躬應千齡之上聖瑤圖啓運得百姓之驩心

臨御云初謳歌爲盛中賀欽惟

聰明天縱剛健日新仗尺劔以定羣雄道符漢祖歷一紀而

成大業功邁唐宗陶匏繭栗以歲祀而

上帝時歆詩書禮樂以造士而下民祗若風行雷動敷

治象於多方春育海涵播仁聲於庶類仰正統之誕紹知景
命之永延凡在生成固不慶賴臣等獲觀鉅典幸際昌期車
同軌書同文行同倫致治恭陳於善頌黨有庠術有序國有
學敷言願贊於成能

代翰林院賀登極表

皇穹垂佑誕錫貞符

哲后挺生丕承正統華夷永賴臣庶均驩中賀欽惟匹馬渡
江六龍御極

大明建國八綏咸囿於照臨洪武紀元九域同歸於戡定於
昭駿烈有赫鴻猷臣等仰沐

恩波叨居翰苑雲從龍風從虎聿逢千載之昌期河出圖洛
出書願啓萬年之文運

代中書省賀平杭州秀越表

伏以近悅遠來率土歸

聖人之德南征北伐無敵為王者之師適瞻齊斧之特班遄
見捷書之洊至羣情胥慶一統維期中賀臣聞高帝開基載
興齊楚之役太宗啓運復加充寶之誅夫欲和衆而安民則
必兼弱而攻昧事非得已兵不留行茲蓋伏遇

皇帝陛下智勇自天聰明冠世廓清區宇番禺衣被乎恩光
循撫遐荒輓道上供其方物顧茲浙右尚阻華風爰致斯赫
之威用副侯蘇之望收海陽以遏其衝要定秦郵以擣其腹
心濠梁泗水舉若摧枯臨淮壽春取如拾芥計益窮而負固

地逾感而偷生

宸慮彌切於解懸戎車遂勤於再駕勢成犄角人効智能引
領義旗親黨之投戈恐後允懷仁聞謀臣之稽顙爭先茗雪
首平吳松繼下齒錢唐於郡縣登會稽於版圖崑山傳檄而
從距牙斯拔擣李攄誠而附蕃屏悉空叛將就磔於蒙街禁
旅環攻其外郭茲雖天眷實出廟謨殲厥渠魁佇看虞之不
臘維其士女幸覩堯之授時臣等叨列星垣獲觀露布烟火
萬里式歌神武之功千羽兩階永底文明之治

代秦王府官謝表

伏以延景命開車書一統之基衆建懿親爲宗社萬年之
計茲肇開於土宇遂董正於宮寮中謝臣歷觀夏商以及周
漢其授茅土於子弟孰不仕忠良爲股肱蓋凡前後左右

之人固非吉士則得脩齊平治之術斯爲令王今

神聖之膺圖仰皇王而取則方立經陳紀之始爲宗子維城
之規况秦國四封奄有關內而形勢百二在其域中府署之
開傳相之設固將藩屏

帝室豈惟保佑王躬宜得重臣以申器使臣等經文緯武才
不及於曹參博古通今學有慙於賈誼夫何僥倖乃辱甄收
此蓋伏遇覆載等乎乾坤將曲成於庶物高明齊乎日月靡
求備於一人斯朽鈍之微踪亦叨塵於華選臣敢不虔恭夙
夜苟非唐堯虞舜之道焉敢陳祗過訓謨罔俾河間東平之
賢專其美

進大明律表

宋濂

臣聞天生烝民不能無欲欲動情勝詭僞日滋強暴縱其侵

陵柔儒無以自立故聖人者出因時制治設刑憲以爲之防
欲使惡者知懼而善者獲寧傳所謂獄者萬民之命所以禁
暴止邪養育羣生者也譬諸禾黍必刈稂莠而後苗始茂方
於白粲必去砂礫而後食可食苟梗化敗俗之徒不有以誅
之雖堯舜不能以爲治夫自軒轅以來代有刑官而五刑之
法漸著其詳弗可復知逮魏文侯師於李悝始采諸國刑典
造法經六篇漢蕭何加以三篇通號九章曹魏劉劭又衍漢
律爲十八篇晉賈充又參魏律爲二十篇唐長孫無忌等又
取漢魏晉三家擇可行者定爲十二篇大槩皆以九章爲宗
歷代之律至於唐亦可謂備矣厥大成矣洪惟

皇帝陛下受億兆君師之公叩登大寶位保乂臣民兢兢弗怠
其訓迪羣臣諄復數千言此其有犯慈愛仁厚之意每見

於言外是大辟惟刑之恤之義也矜憫愚民無知陷于罪戾
法司奏讞輒惻然弗寧多所寬宥是神禹見辜而泣之心也
唯貪墨之吏承踵元弊不異白粲中之砂礫禾黍中之稂莠
也乃不得已假峻法以繩之是以臨御以來屢詔大臣更

定新律至五六而弗倦者凡欲生斯民也今又特

敕刑部尚書劉惟謙重會衆律以協厥中而近代比例之繁
姦吏可資爲出入者咸痛革之每一篇成輒繕書上奏揭

於西廡之壁

親御翰墨爲之裁定由是仰見陛下仁民愛物之心與虞

夏帝王同一哀矜也易曰山上有火旅君子以明慎用刑而
不留獄言獄不可不謹也書曰刑期于無刑言辟以止辟而

民不敢犯陛下聖慮淵深上稽天理下揆人情成此

民不敢犯

陛下聖慮淵深

上稽天理

下揆人情

百代之準繩實有易書之奧肯行見好生之德洽于民心凡
日月所照霜露所墜有血氣者莫不上承神化改過遷善而
悉臻雍熙之治矣何其盛哉臣惟謙以洪武六年冬十一月
受 詔明年二月書成篇目一準之於唐曰名例曰衛禁曰
職制曰戶婚曰廩庫曰擅興曰賊盜曰鬪訟曰詐僞曰雜律
曰捕亡曰斷獄采用已頒舊律二百八十八條續律百二十
八條舊令改律三十六條因事制律三十一條掇唐律以補
遺一百二十三條合六百有六分爲三十卷其間或損或益
或仍其舊務合重輕之宜云謹俯伏

闕廷投進奉表以 聞臣等誠惶誠懼稽首頓首謹言洪武

七年 月 日具官臣 等上表

進元史表

伏以紀一代以爲書史法相沿於遷固考前王之成憲因承
有監於夏殷盡因已往之廢興堪作將來之法戒惟元氏之
有國本朔漠以造家用兵戈以爭強并部落者十世遂水草
以爲食擅雄長於一隅逮至成吉思之時大會幹難河之上
始尊仁號漸定教條既近取於乃蠻復遠攻於回紇渡黃河
以蹴西夏踰居庸以瞰中原太宗繼之而金源爲墟世祖承
之而宋錄遂訖立經陳紀用夏變夷肆宏遠之規模成混一
之基業爰及成仁之主見稱願治之君唯祖訓之式遵思孫
謀之是遺自茲以降聿號隆平豐亨豫大之言鼓倡於天曆
之世離析渙奔之禍馴致於至正之朝孽孽蠱惑於中權姦
豪蔽於外漢網祗因於疏闊周綱遽至於陵遲風憲皆爲不
捕之備將士盡成反噬之大由是羣雄角逐九域瓜分風波

徒沸於重溟海嶽竟歸於真主中謝欽惟

皇帝陛下奉天承運濟世安民建萬世之丕圖紹百王之正統

大明出而燭火息率土生輝迅雷鳴而衆響微鴻音斯播載念盛衰之故卽推忠厚之仁僉言實旣亡而名亦隨亡獨謂國可滅而史不當滅特詔遺逸之士欲求議論之公文詞勿至於艱深事迹務令於明白苟善惡瞭然在目庶勸懲有益於人此旨

天語之丁寧命見

聖心之廣大於是命翰林學士臣宋濂待制臣王緯儒士臣汪克寬臣胡翰臣宋禧臣陶凱臣陳基臣趙壘臣曾魯臣趙方臣張文海臣徐尊生臣黃憲臣傅恕臣空鈞臣傅增謝

徽臣高啓分科脩纂故上自太祖下迄寧宗靡不網羅取如搜采恐翫時而愒日每繼晷以焚膏故於五六月之間成此十三朝之史況往牒舛訛之已甚而他書參考之無憑雖竭忠勤難逃疎漏若自元統已後則其載籍無存已遣使而旁求俟續編而上進愧其才識之有限弗稱三長兼以紀述之未周殊無寸補臣濂忝司鈞軸幸親成書信傳信而疑傳疑僅克編摩於歲月筆則筆而削則削敢言褒貶於春秋仰塵乙夜之觀期作千秋之鑑所撰元史紀三十八卷志五十三卷表六卷傳六十二卷目錄二卷通計一百三十萬六千五百餘字謹繕寫成百二十冊隨表上進以聞

謝恩表

劉基

伏以出草萊而遇

真主受榮寵而歸故鄉此人人之所願欲而不可得者也
中謝欽惟

皇帝陛下以聖神文武之姿提一旅之衆龍興淮甸掃除
羣雄不數年間遂定中原奄有四海神謨廟斷悉出
聖衷舜禹以來未之有也臣基一介愚庸生長南裔踈拙無
似其能識

主於未發之先者亦猶巢鵲之知太歲園葵之企太陽以管
窺天偶見於此非臣之知有過於人也至於仰觀乾象言或
有驗者是乃

天以大命授之陛下若有鬼神陰誘臣衷開導使言非臣
念慮所能及也

聖德廣大不遺封非遠去唐虞功疑惟重之典錫臣以封

爵錫臣以食祿俾臣回還故鄉受榮寵以終其天年臣竊
自揆何脩而膺此犬馬微忱惟增愧懼已於洪武四年二
月初四日到家謹遣長男臣璉捧表詣闕拜謝

聖恩臣基無任激切屏營之至謹奉表稱謝以聞

封建親王賀東宮牋

高啓

監國撫軍久繫兆民之望建邦作輔大頒同姓之封隆典式
脩輿情均慶恭惟

皇太子殿下地居震長道合乾剛孝奉

兩宮每問安於曉寢友懷諸弟共講學於春坊既膺主鬯之
崇復舉分茅之盛本支茂衍宗社奠安某等忝預台司敢伸
賀悃河如帶山如礪永存萬世之傳日重光月重輪敬上
千秋之祝

進千家姓表

吳兢

臣沉等言臣聞古者天子建德因生賜姓胙土命氏此姓氏所由興也三代以前有姓以別婚姻氏以辨貴賤所由來尚矣三代以後姓氏寢廣推原其始有以帝王名號為氏者有以王父字為氏者有以所生之土為氏者有以官有以爵及謚為氏者有以所封之國若邑若鄉若亭為氏者有以技以物為氏者故往往姓同而氏則分年代既遠族類益繁於是氏為姓而索之族矣歷漢唐宋元生齒之盛華夷之混又有以部落為姓者有因功賜姓者有因過因事因刑改姓者有避諱避仇避難避嫌改姓者有慕前賢名字冒姓者有音訛及音同文異或文同音異轉姓者有省文省音轉姓者其區分類別不可勝紀前代雖有氏族志等書流行于世類皆

蒐羅未盡互有詳略識者病之恭惟

皇帝陛下誕膺天命混一區宇車書萬里溥海內外遐陬僻壤咸沾沐

聖化安土樂生黎庶阜蕃又非前代之比臣等謹稽諸史牒質之圖籍旁搜博訪類萃成編約為韻語凡為姓一千九百六十有八名曰千家姓繕寫呈上極慚膚淺未能悉備萬幾之暇得賜覽觀刊布四方以便初學習讀天下之人有以知聖朝土地廣大人民衆盛恩德深厚而思各保其族於悠久以同躋仁壽之鄉也洪武十四年五月朔日翰林編脩臣吳沉典籍臣劉仲質臣吳伯宗等誠惶誠恐稽首頓首謹言

進寶錄表

解縉

奉天輔運推誠宣力武臣特進光祿大夫左柱國太子太師

曹國公監脩國史都總裁官臣李景隆等誠惶誠恐頓首上言

聖人受命啓萬世之鴻基史氏纂書示百王之大法是故堯舜之事載之典謨文武之政布在方冊俾文獻之足徵實古今之通議矧創業垂統者皆在於貽謀而繼志述事者敢忘於紀載鋪張極盛之閔休揚厲無窮之偉績歷選前聞之作允爲達孝之規欽惟

大明太祖聖神文武欽明啓運俊德成功統天大孝

高皇帝應千年之景運集羣聖之大成天命眷顧之隆起徒步不階於尺土人心嚮服之誠未三年已定於京都龍飛雲從而華夏蠻貊固不率俾日照月臨而山川鬼神莫不攸寧有過化存神之妙有綏來動和之應英傑不期而會遐邇不

令而從盡收當世之賢才大極生民於水火羣雄歸命齊不戮一夫元主道荒而禮遣其嗣四方幅員之廣亘古所無中國先王之典悉復其舊守帝王心法之言明聖賢道學之統罷黜百氏彌綸六經範圍造化曲成萬物天休茲至而兢業貫乎始終諸福畢臻而謙抑純乎表裏在位之久三十餘年升遐之日萬方哀悼比於近古邈然罕儔漢高年不登於中壽光武運僅紹於中興唐高祖因隋之資宋太祖承周之業元世祖席累世之威皆未有若斯之盛也欽惟

孝慈昭憲至仁文德承天順聖高皇后天生聖善克相肇基則徽德邁於嬪妃開創功超於胥宇夙聞文定之祥允叶坤元之吉螽斯有百男之應鴈鳩均衆子之恩保合承丕慶簡能造化之仁歷考古后妃蓋莫盛於周室然摯有誕聖之

祥而無輔運之跡邑姜有輔運之迹而無誕聖之祥矧皆起
邦君式克承世緒降及近世皆非等倫若夫同起布衣化家
為國正位中宮十有五年家邦承式天下歸仁誕育聖躬萬
世永賴自古以來未之有也欽惟

皇帝陛下合體乾坤重華日月煥帝堯之文章繼武王之繼
述孝事

太祖有見而知之之實廣詢當世得聞而知之之詳發蘭臺
記注之書而徵以藩邸之副袖金滕石室之秘又考於世家
之藏爰當嗣位之初首頒脩史之詔命臣景隆忠誠伯臣茹
瑋翰林學士臣解縉總裁翰林學士臣王景禮部尚書臣李
至剛侍讀臣胡靖臣曾日章臣王湛臣胡儼侍講臣鄒緝臣
楊榮臣金幼孜臣楊士奇修撰臣李賢臣吳溥編脩臣楊奇

臣鄭好義檢討臣王洪博士臣張伯顏臣王汝玉典籍臣沈
度臣潘畿待詔臣王延齡給事中臣朱紘吏部郎中臣徐旭
禮部郎中臣胡遠戶部主事臣端孝思太常博士臣錢仲益
國子博士臣金玉鉉助教臣王達行人臣蔣驥僉事臣

知府臣劉辰知州臣鄒濟知縣臣王褒臣楊觀臣梁潛臣趙
季通臣沈瑜教諭臣劉宗平臣解榮訓導臣羅思程臣傅貴
清晉府伴讀臣蘇伯厚靖江府教授臣張顯儒士臣端禮臣
楊孟力臣朱逢吉臣莫士安纂脩慎選多士賜宴便蕃即開
館于禁中屢繙閱于機暇以百人之多歷期年之久惟盡校
讐之力實無黼黻之能巍巍道冠於百王蕩蕩功超於千古
是知禮樂征伐之自出必有訓占之文雲霞花卉之生色不
勞繪畫之工開王府而見璫璣惟自慶其希遇仰青天而瞻

象緯又奚罄於名言皆據事而直書不假一辭之贊美但續次以成編永示萬年之大訓謹撰述

大明太祖聖神文武欽明啓運俊德成功統天大孝

高皇帝實錄一百八十三卷繕寫成一百六十五冊謹伏闕上進臣景隆等無任瞻

天仰聖慚懼屏營之至謹奉表以聞永樂元年六月十五

日奉天輔運推誠宣力武臣特進光祿大夫左柱國太子太師曹國公監脩國史都總裁官臣李景隆誠惶誠恐稽首頓

首謹進

賀文趾平定表

黃福

天地以生物爲心四時順序

聖人以安民爲德一視同仁干戈戢戢而海宇清平禮樂脩

明而神人歡慶恭惟

皇帝陛下與天同運如日方中齊虞舜之文明重華協

帝邁周武之功烈廣大如

天顧德威之所加惟遐邇之咸服聲爲律而身爲度車同軌

而書同文夫何交趾之災荒敢外中華之聲教爰稽厥土寔

古頑夷在漢唐僅能羈縻至宋元尤爲叛服逮乎黎醜仍踵

弊風負井蛙之見而自尊致涸魚之禍而莫悔奈何簡定之

餘孽復效前尤繼而季擴之狡童再循覆轍逞狐鼠之威而

蹂踐疆域恣蛇虺之毒而吞噬邦人邊塵瀰漫蟻聚蜂屯之

是覩田里蕭索雞鳴犬吠之不聞盡傷遺掇之心憤激神人

之怒

皇上每垂戒諭屢擴至仁彼乃愈肆跳梁恣爲不道與

筭用命偏師天戈一指而蟻穴盡空風帆再舉而鯨濤頓息
渠魁既殄遺孽悉除共惟拯輓之勤式慰懷蘇之望班師振
旅喜文德之誕敷行賞錫封觀武功之載載郡邑有守令以
懷保衛所有士馬以隄陲千年草莽之區變爲永泰之地累
世雕題之衆化爲衣冠之民衣食足以養生縮歛足以易俗
輿圖舊物于以光復山川精彩于以發舒賦列九州不止金
人之貢化均萬里遠踰銅柱之功氛祲廓清雨暘時著實由
懋先之盛德冠古之隆功致今日之太平雪前代之遺恨也
臣顧慚微賤幸遇

聖明垂憫愚蒙有罪特加寬宥位階卿輔文德實濟深洪始
詔開百粵之新藩遂令掌二司之重寄命惟謹懼德弗堪易俗移風勉承流而宣化彰善瘴惡誓激

濁以揚清遠慕皋璣之良尚隆唐虞之治然遐隰之地雖異
而感報之心悉同凡霑雨露之民室家相慶獲際風雲之士
冠冕增輝咸欲覩照臨之清光于以謝生成之大德臣心感
激未能率領以來朝

天闕遙深徒切仰瞻而下拜敢敘華封之三祝恭祈
聖壽於萬年

進五經四書性理大全表

胡廣

伏以六經之道昭如日星經緯乎天地貫徹乎古今放之則
彌六合卷之則退藏於密用之於身而身脩行之於家而家
齊推之於國而國治施之於天下而天下平蓋世必窮經而
後道明未有舍經而能治理者也是以聖主垂憲必資道以
開入賢哲肇基必藉古以作範故伏羲則河圖而演畫大禹

因洛書而錫疇孔子刪詩書脩春秋寓一主之法周公陳王
業制禮樂弘百世之規況乎精一執中之傳尤重丁寧告戒
之旨如斯顯迹昭然可觀自王道既衰異說蠡起燔烈秦火
之餘穿鑿漢儒之弊其間存者不絕如絲莫能究其旨歸一
切趨於苟且夤緣故習鮮克正之於乎聖人之道不行而百
世無善治聖人之學不傳而千載無真儒遂令往轍之難尋
益發前脩之永嘆夫否必有泰晦必有明繇夫濂洛關閩之
學興而後堯舜禹湯之道著悉掃蕪無之敝大開正學之宗
不幸屢阨狂言旣揚復抑又因循數百載之闕卒莫能會其
說于一蓋必有待於今日者矣

天啓聖明誕膺景運我

太祖高皇帝天縱之聖以武切定天下以文教興太平首建

學校頒賜書籍作養人材茂隆政治四海內外
惟

皇帝陛下文武聖神聰明睿知繼承大統紹述鴻勳成功盛
德雖三皇而無以加事業文章與二儀而同其大治已至而
猶以爲未至功已成而猶以爲未成體道謙冲遊心高遠乃
者渙啓宸斷脩輯六經恢拓道統之源流大振斯文之萎靡
發揮幽賸鉤纂精玄博采先儒之格言以爲前聖之輔翼合
衆塗於一軌會萬理於一原地負海涵敷清日暎以是而興
教化以是而正人心使夫已斷不續之墜緒復屬而復聯已
晦不明之蘊微復彰而復著肇建自古所無之制作續述自
古所無之事功非惟備覽於經筵實欲頒布於天下俾人皆
由於正路而學不惑於他岐家孔孟而戶程朱必獲真儒之

用佩道德而服仁義咸趨聖域之歸頓回太古之淳風一洗
相沿之陋習煥然極備猗歟盛哉竊嘗觀之周衰道廢汲汲
皇皇以斯道維持世教者惟師儒君子而已未有大有爲之
君能倡明六經之道紹承先聖之統如今日睹此
皇帝陛下所以卓冠百王超軼千古者凡臣庶等一介書生
龔知章句大學賢關渾未造其闢奧圓冠方屨固慚列於章
縫幸逢 熙洽之時謬忝校勘之任每蒙成於指教亦何假
於施爲樂觀就編豈勝歡慶與天下而同惠於萬古而有光
尊所聞行所知求不負於教育正其誼明其道期補報於昇
平無任瞻

大仰 聖教切屏營之至謹奉 表隨進以 闕

親征胡虜回鑾百官賀表

楊士奇

欽奉 敕書五月十三日大駕親率六師掃蕩胡寇撫輯降
附沙漠永靖誠宗社生民太平之慶謹奉表稱賀者臣某等
誠懽誠抃稽首頓首上言伏以

帝王之治統育於萬方仁義之師無敵於天下博施洪恩而
濟衆駿揚神武以除殘廓靖北陲奠安中夏臣民懽抃海宇
清寧恭惟

皇帝陛下廣大高明剛健中正惟萬物之得所溥一視而同
仁舞干羽于兩階昭郁郁禮文之盛執至帛者萬國致源源
朝覲之來獨茲窮北之孽胡蠢焉自外於

皇化拒招懷之綸命遏撫諭之使輶數犯邊疆肆虐黎庶蓋
恣行而罔畏畧無悔罪之情不得已而用征誠爲保民之計
植黍稷豈留於稂莠育鸞鷟必剪於梟鴟萬乘親行運神謀

於霄漢六師奮發掃氛翳於遐荒加烈火於鴻毛震迅雷於
蟲戶兇渠盡馘恩命覃宣撫綏殘弊之氓敷布融熙之澤春
榮秋肅皆本乾元之仁日彩星華煥麗天旋之景前雪前王
之讐耻肇開永世之升平臣等欣候凱旋恭摠賀臆仰
皇明於六合如日方中祝
聖壽於萬年與天同久

兩朝實錄成史館上表

楊士奇

伏聞上有堯舜禹湯文武之君斯有典謨訓誥誓命之紀當
時所錄萬世攸師自漢以來暨于唐宋皆建史官專職紀述
我國家奉天啓運

聖聖相承大經大法明于上善政善教被于下萬方一統海
宇清寧共武以前

神功聖德史氏所記具有成書欽惟

太宗體天弘道高明廣運聖武神功純仁至孝文皇帝剛健
中正廣大欽明體天之心行天之道勵精爲理躬儉愛人再
興邦家中興鴻業文治光昭於日月武烈弘靖於華夷太畧
雄材茂功偉績規模弘遠卓冠百王欽惟

仁宗敬天體道純誠至德弘文欽武章聖孝昭皇帝孝友
英明寬仁恭儉敬天法

祖制治保邦明目達聰周詢民隱時使薄歛博施濟人撫盈
成之運廣文明之化丕新政紀覃敷德澤朞月之內天下歸
仁

二聖升遐雲車益遠萬姓哀慕海宇同情恭惟

皇帝陛下文武聖神聰明睿智續承大寶君國子民推廣至

仁繼志述事歌九功之惟叙得萬國之歡心上念

祖宗功德之隆同符天地覆載之大宜宣昭於簡冊垂儀範於帝王宣德元年五月勅脩

兩朝實錄命臣輔臣義臣原吉監脩臣士奇臣榮臣幼孜臣

山臣英臣溥總裁臣祭臣英臣直臣述臣時勉臣習禮臣學

變臣循臣從善臣驥臣鶴齡臣洪臣永清臣叙臣曰恭臣敬

臣翰臣雅臣耆臣繼臣中臣升剛臣文奎臣節臣錫臣夢纂

脩發左右史臣之所記閱中外官府之所上兼考草疏察之

見聞編載事功必備著其本末纂述謨訓必致謹於精微關

制度者雖細不遺切幾務者雖明必審於紀叙

聖神之道德如繪畫造化之功能儼諸形容誠難罄第乃若

附錄臣下必在究明是非訖五年正月恭成

太宗文皇帝實錄百三十卷

仁宗昭皇帝實錄十卷合百有四十卷謹繕寫上進伏念臣

輔等智識淺陋學術空疎曠歲月而久稽亦討論之惟謹方

諸良史深愧乏三長之稱監于

先朝庶少資

萬幾之暇

經筵謝表

知經筵事太師英國公臣輔同知經筵事少傅兵部尚

書兼華蓋殿大學士臣士奇少傅工部尚書兼謹身殿大學

士臣榮禮部尚書兼翰林院學士臣溥兼經筵官詹事府

少詹事兼翰林院侍讀學士臣直少詹事兼翰林院侍講學

士臣英翰林院侍讀學士臣時勉臣習禮侍講學士臣循侍

讀臣衷侍講臣穀脩撰臣愉臣鴈等茲者恭遇 經筵肇啓

聖學維新講讀侍臣咸膺 恩澤謹奉表稱謝者臣輔等誠

懼誠忭稽首頓首上言伏以天清地寧昭

聖皇之統御時康道泰美文治之隆興日月光華中外忻悅
恭惟

皇帝陛下聰明睿智廣大寬仁尊 尊親 親宗

兩宮之至養推恩布德得四海之懽心是以三光全而寒暑
平五穀熟而人民育益勤稽古之學益弘養正之功謂易書
詩禮春秋之文皆堯舜禹湯文武之道

萬幾有暇恒

親御於經筵多聞是求肆詳延於儒雅用資啓沃用致進脩
上以承帝生心法之傳下以錫臣民皇極之福光

祖宗之洪業擴海宇之隆平臣輔等猥以庸才咸叨榮命
絲綸之飭勵繼宴錫之駢蕃於緝熙單厥心允協周成之德
念終始典于學敬陳商說之篇

巡狩及平胡回鑾言官賀表

伏以巡狩省方舉帝王之盛典回鑾振蹕煥功德之大成八
表清寧萬方忻戴恭惟

皇帝陛下聰明睿知廣大寬仁奉天勤民秉聖誠之純一繼
志述事溥德化於雍熙尚惟親歷於撫綏肆用肇稱於巡省
兩京弘建瞻日馭之輝煌萬乘吉行霽天恩之洋溢

聖仁篤近而舉遠神武除暴以安民天討用彰奮風雷於瀚
海

皇威所至廓氛翳於陰山神靈煥發於嘉祥孽虜莫逃於遺

類盡雪漢晉唐宋之耻永隆
國家宗社之基六師咸奏於凱歌四海通騰於懽頌雲承翠
輦迴

龍御於九重星拱紫宸生

天顏之萬壽臣某等忝班朝列喜切遭逢

聖治神功仰昭明之如日

瑤圖寶曆祝悠久以齊天

駕幸文淵閣謝表

楊榮

臣楊榮等茲者欽蒙

聖駕臨幸文淵閣周視臣等寓直之所特頒恩命增益室宇

兼賜飲饌器用周悉備至

聖恩廣大感戴惟深謹上表稱謝者臣等誠懼誠忝稽首

首上言伏以

日月光華當

大聖龍興之運車書混一正文明天啓之時

繼御幸臨儒紳遭遇恭惟

皇帝陛下聖神天錫剛健日新典章法度之弘脩功成理定

華夏蠻貊之率俾近悅遠來萬幾餘閑神稽古六龍捧御

寵顧延英上深軫於

天心順垂矜於寒士廣其室宇遂涼燠之攸宜給以饗殮兼

什器之咸備凡百所用靡一弗周同乾坤覆載之恩踰父母

生成之賜是皆

皇上聖仁廣大明睿照臨溥德澤於萬方施由侍從昭禮文

於千載高出古今所以致海宇之雍熙所以隆

皇圖於永久臣等深慙末學幸際明時被沐恩榮匪名言之可罄策勵駑鈍豈報效之敢忘端秉寅誠恭陳申謝
龍翔鳳翥瞻五彩於中天春育海涵祝萬年之聖壽

駕幸大學謝恩表

胡儼

國子監祭酒臣胡儼永樂四年三月初一日欽蒙
駕幸大學謹奉表稱謝者臣儼等誠懼誠忤稽首頓首
上言伏以

明德建中立百王之大法崇儒重道闡五載之宏規
綸音渙發乎九重士氣聿增於六館懽均

朝野慶洽

天人恭惟

皇帝陛下濟哲溫恭剛健中正仁義同於堯舜功烈邁於湯
關里詩書敬仰先師之如在衆區聲教遐邇後學於
無窮式崇舊章肇稱殷禮鑾輿幸臨於璧水縉紳園集
於橋門惟君惟師以教以食衣冠之美籩豆之序秩秩乎
有容鼓鐘之音絃誦之聲洋洋乎盈耳自唐虞三代以來未
有盛於今日者也臣儼等忝職成均叨承寵遇敷言是訓
永依日月之光華造士登崇願效涓塵之補報無任瞻
天仰聖激切屏營之至謹奉表稱謝以聞

進實錄表

王直

臣聞自昔帝王有大德以及於萬民則必有信史以傳於千
古是故堯舜之道載諸典謨文武之政布在方冊漢唐而下
皆有成書欽惟

宣宗尊謚章皇帝剛健中正廣大高明續

祖宗之鴻圖隆慈聖之至養脩六府而備三事親九族以和萬邦好生之德允洽於民心育物之仁實協乎天道有戡暴除亂之武有經天緯地之文聲教宣昭禮樂明備華夏蠻貊罔不率俾山川鬼神莫不底寧大略雄才豐功偉烈輝映前代儀範後來奄龍御之上升切臣民之哀慕恭惟

皇帝陛下聰明睿智文武聖神尊祖敬宗繼志述事上念先皇之德業必著簡冊以流傳爰敕儒臣纂修

實錄啓蘭臺之所載紬金匱之所藏徵諸官府之文書參以耳目之聞見大經大法備究於精微善政善教致詳於本末言足為訓雖簡必書事之可師雖敏亦必錄造以垂之妙固莫罄於名言日月照臨之明亦豈容於繪畫至若臣下之附

載勉盡是非之至公恭成

宣宗章皇帝實錄一百一十五卷 實訓十二卷及目錄凡例合一百二十九冊謹繕寫上進臣等愧庸淺之無庸屬編摩之甫就傳于來世永昭道德之光率是嘉猷茂衍太平之慶

賀新殿成表

伏以北京建極開萬方會同之都

南面嚮明受一統華夷之貢宜規模之宏遠聳遐邇之觀瞻率土騰歡普天稱慶恭惟

皇帝陛下剛健中正睿知聰明丕承

列聖熙景運於太平茂育羣生暢淳風之清穆惟尊

祖敬宗之大在繼志述事之能顧

朝廷當備於崇嚴而宮殿必資於營構祗循舊典式闡鴻猷
兆姓子來咸自樂以效其用庶邦星拱皆不勞而觀厥成魏
魏麗紫微之高翼翼表宸京之壯績靈臺之贊詠誠儷美於
周文紹總章之達聰實比隆於虞舜仁恩溥博德化宣昭廣
宅中圖治之謨恢保大定功之備 本支繁衍 宗社奠安
臣欣遇盛時恭陳善頌仰
皇明於八表如日之升祝
聖壽於萬年與天同久

釋罪後謝恩表

陳循

臣陳循等奏為謝 恩事臣仰蒙

皇上天地之大日月之明垂光於覆盆無幽不燭迴闕於逝
水無遠弗追拯念懷加哀矜憫恤臣一介勝感戴之至理合謝
恩臣循誠惶誠恐稽首頓首百拜謹言恭惟

皇上一德同乾坤之廣大咸覆載於萬方 重華合日月之
真明普照臨於八表如臣草茅之賤質亦蒙江海之深恩向
被陷於落井下石之讐人遂謫以屯田備邊之戍卒斯須難
保顛沛靡寧戰戰兢兢惶惶度日萬幸仰賴 天與

皇上深恩厚德庇佑臣身處患難於四五年間臨萬死而得
一生受艱苦於數千里外度危災而存殘喘茲蓋伏遇

皇上聰明聖智寬裕溫恭如日方中極廣大高明之盛與天
同久盡財成輔相之功 作之君作之師追配乎堯舜禹湯
文武明其誼明其道務契乎易書詩禮春秋得萬國之歡心
臻一統之盛治明見萬里之外尤嚴照於覆盆仁敷九域之
中重發生於枯木孳孳養賢以及萬民之心切切愛人必先

四窮之意雖愚臣薄命負尋章摘句之庸材荷

聖主深仁除執銳被堅之重役 恩命播傳於千里士庶欣
聞懽聲振動於一家妻孥舞蹈幽壑春生於腐草廢爐暖發
於寒灰繫鳥出籠復遂山林之素性涸魚得水獲遂鼎俎之
橫灾親恩豈能及乎

君恩再造實不下於 洪造雖百口粉身碎骨消埃莫補於
河山縱九泉秘魄藏魂頃刻難忘於 德澤恨筋力日衰於
老病不能效大馬以驅馳奈忠誠長激於心期永同葵藿
之歸向竭一誠而祝望頌 萬美以掄揚匪愚之私情誠
華夷之通敬 天法祖

聖明已超冠於百王納善用賢

皇上實允符於二帝制治保邦之有道承 先裕後以無虞

是以三光全而寒暑時溥致百穀熟而民人育江河海嶽
重重鞏固於四方 子孫曾玄聖聖繼承於萬代得其位得
其祿 遠紹於

皇圖長久地長如 天永久上同於

聖壽臣謹齋沐昧死具表謝 恩以 聞

皇明文衡卷之五

皇明文衡卷之六

奏議

洪武戊辰四月大庖西上

皇帝封事

臣伏奉

解縉

聖旨朕今命爾義則君臣恩猶父子當知無不言古云爾有嘉猷嘉謀則入告爾后于外爾乃順之于外曰斯謀斯猷惟我后之德嗚呼人臣咸若時惟良顯哉臣謂成王於是失言矣歷觀載籍以來固以進諫之臣爲善亦未嘗以納諫之主爲非唐虞君臣更相勸戒更相推讓光昭不窮載爲盛美昔人有譖魏徵于唐太宗者爲其錄前後諫章以視起居郎褚遂良雖未必然借令有之亦是垂世臣主同休停婚什碑臣